

Fanongonongo

‘Ahó: 10 Mā‘asi 2014

Ki he: Kau Taki Mā‘olungá; Fitungofulu Faka‘ēlia;
Palesiteni Fakamisiona, Fakasiteiki mo
e Fakavahefonua; Pīsope mo e Palesiteni
Fakakolo

Mei he: Potungāue ki he Ngāue Fakafaifekau (1-801-240-2222)

Kaveingá: Sivi Mahaki Fatafata pe Tīpī (Tuberculosis) ‘o e Kau Faifekau ‘Osi
Maí

SIASI ‘O
SĪSŪ KALAISI
‘O E KAU MĀ‘ONT‘ONI
‘I HE NGAahi ‘AHO
KIMUI NĪ

Ko e mahaki fatafatá pe tīpī ko ha hangatāmaki fakatu‘utāmaki ia ‘oku fakatupu ‘e he pekitīliá ‘e lava ke ne faka‘auha e ma‘ama‘á mo e ngaahi ‘ōkani mahu‘inga ‘o e sinó. ‘Oku mahu‘inga ‘aupito ke sivi tīpī ‘a e kau faifekau ‘osi maí, he ‘e malava pē ke nau ‘osi puke ‘i he mahakí kae ‘ikai ‘asi kitu‘a hono ngaahi faka‘ilongá he taimi pē ko iá.

‘Oku ‘oatu heni ha tohi ‘e foaki ‘e he kau palesiteni fakamisioná ki he kau faifekau ‘osi maí, ‘o fakahinohino‘i ai kinautolu ke nau ō ‘o sivi mahaki fatafata/tīpī, hili pē ‘enau foki ki ‘apí. ‘E lava ke hiki ha tatau faka‘ilekitulōnika ‘o e tohí ni ‘e he kau palesiteni fakamisioná mei he peesi ‘a e Kau Palesiteni Fakamisioná (missionary.lds.org/presidents) pe kau ngāue ‘i he ‘ofisi ‘o e misioná ‘o fakafou ‘i he uepisaiti Me‘a Fakafaito‘o ‘a e Faifekau (missionarymedical.org).

‘Oku mau kole atu ki he kau taki fakalotofonua ‘o e lakanga fakataula‘eikí ke fakalotolahi‘i e kau ‘osi ngāue fakafaifekau ke nau sivi tīpī he‘enau foki ki ‘apí pea mo fakapapau‘i ‘oku ‘i ai ha ma‘u‘anga tokoni fe‘unga ke tokangaekina ‘aki kinautolu.

Si'i 'Eletā/Sisitā _____:

Kaveingá: Sivi Mahaki Fatafatá/Tīpī

Ko e mahaki fatafatá pe tīpī ko ha hangatāmaki fakatu'utāmaki ia 'oku fakatupu 'e he pekitīliá 'e lava ke ne faka'auha e ma'ama'á mo e ngaahi 'ōkani mahu'inga 'o e sinó. Ko ha alanga mahaki pē ia 'oku mo'ua ai ha vahe tolu 'e taha 'o e kakai 'o e māmaní. 'Oku fa'a mafola e mahakí ni ki he ni'ihí kehé kapau 'oku tale 'a e ni'ihí 'oku puke aí.

'Oku tokolahi ha kakai 'oku nau puke he mahaki fatafatá/tīpī ka 'oku 'ikai ke 'asi leva meiate kinautolu hono ngaahi faka'ilongá. 'Oku ui 'eni ko e *tīpī mohemohe*. Ko kinautolu 'oku puke 'i he tīpī mohemohé, 'oku nau ma'u 'i ai ha faingamālie ko e peseti 'e 10 ke nau toe puke ai he mahaki ko 'ení 'amuiange.

Koe'uhí ke 'oua 'e 'asi 'iate koe e ngaahi faka'ilonga fakatu'utāmaki mei hano ma'u koe 'e he tīpī, 'oku *mātu'aki mahu'inga* ai ke ke sivi tīpī he vave tahá hili pē ho'o foki ki 'apí. Neongo pe ko e hā e ola 'o hono ngaahi sivi tīpī kimu'a peá ke 'alu 'o ngāue fakafaifekau (o tatau ai pē pe na'e positive pe negative), 'oku kei fie ma'u pē ke ke sio ki ha toketā pe ki ho'omou potungāue mo'uí ke toe sivi koe 'i ho'o foki ki 'apí. Mahalo na'a fie ma'u ke fai ha ngaahi sivi kehe pe faito'o kiate koe.

Kapau 'okú ke ma'u 'a e tīpī mohemohé, 'oku totonu ke ke muimui ki he ngaahi fokotu'u ho'o toketaá pe potungāue mo'ui homou fonuá 'o fakatatau ki he tu'utu'uni fakaemo'ui-lelei 'a ho fonuá. 'Oku mau fakamālō atu 'i hono tokanga'i ho'o mo'ui lelei ke ke lava 'o kei hoko ai pē ko ha kaunanga/tamaio'eiki mo'ui lelei 'a e 'Eikí 'i he toenga ho'o mo'uí.

Faka'apa'apa atu,

Palesiteni Fakamisioná